

四庫全書

經部

欽定四庫全書

經部

周官集注卷八

詳校官監察御史臣施朝幹

刑部郎中臣許兆椿覆勘

覆校官侍講臣劉亨地

校對官待詔臣胡士震

謄錄監生臣楊汝梅

欽定四庫全書

周官集注卷七

翰林院侍講銜方苞撰

夏官司馬第四

夏于時為火于卦為離離為甲冑為戈兵離上之
象曰王用出征詩曰如火烈烈則莫我敢曷蓋非
威明之極不能用兵以正天下故司馬為夏官主
兵而以馬名官軍政莫重于馬也

惟王建國辨方正位體國經野設官分職以為民極乃立夏官司馬使帥其屬而掌邦政以佐王平邦國

政正也夏后氏命胤侯掌六師舉政典以示衆則邦政之掌于司馬舊矣凡國事無非政而獨于司馬言政者張皇六師然後禮樂征伐自天子出而政行于天下也

政官之屬大司馬卿一人小司馬中大夫二人軍司馬下大夫四人興司馬上士八人行司馬中士十有六人

旅下士三十有二人府六人史十有六人胥三十有二人徒三百有二十人

興衆也行謂軍行列晉作六軍而有三行取名于此
興司馬行司馬即用官中之士特在官府則曰上士
中士在軍則曰興司馬行司馬耳司馬總六軍軍事
繁重故史胥徒獨多○黃文叔曰興司馬掌車行司
馬掌卒軍司馬兼掌之

凡制軍萬有二千五百人為軍王六軍大國三軍次國

二軍小國一軍軍將皆命卿二千有五百人為師師帥皆中大夫五百人為旅旅帥皆下大夫百人為卒卒長皆上士二十五人為兩兩司馬皆中士五人為伍伍皆有長

言軍將皆命卿則以下軍帥不特置選于六官六鄉之吏德任者使兼官焉詩大雅常武整我六師此王六軍之見于經也春秋傳曰成國不過半天子之軍又王命曲沃伯以一軍為晉侯又晉作二軍此諸侯

軍制之見于傳也

一軍則二府六史胥十人徒百人

在軍則置之罷則已

司勲上士二人下士四人府二人史四人胥二人徒二十人

勲功也軍無賞不足以作衆故首司勲

馬質中士二人府一人史二人賈四人徒八人

質平也主買馬以供軍用而平其賈直地官歲時稽

鄉遂都鄙之牛馬辨其可任之物馬之在民者無不足之慮矣而公馬之缺則官買之馬質宜屬校人今列此者校人兼掌六馬而戎馬之用尤多其事尤急故先之

量人下士二人府一人史四人徒八人

小子下士二人史一人徒八人

羊人下士二人史一人賈二人徒八人

司燿下士二人徒六人

燿故書為燿燿者民間理爨之火也

掌固上士二人下士八人府二人史四人胥四人徒四十人

國曰固野曰險易曰王公設險以守其國

司險中士二人下士四人史二人徒四十人

掌疆中士八人史四人胥十有六人徒百有六十人

候人上士六人下士十有二人史六人徒百有二十人
候迎賓客之來者詩曰彼候人兮何戈與殳故列于

夏官具灋必每方各上士一人下士二人餘六人則掌達于朝或軍行則從也

環人下士六人史二人徒十有二人

以環名官取巡邏周札之義在軍則置之與秋官環人掌迎送之職異

挈壺氏下士六人史二人徒十有二人

世主挈壺水以為漏軍行必載漏故屬夏官

射人下大夫二人上士四人下士八人府二人史四人

胥二人徒二十人

服不氏下士一人徒四人

服不服之獸

射鳥氏下士一人徒四人

羅氏下士一人徒八人

掌畜下士二人史二人胥二人徒二十人

司士下大夫二人中士六人下士十有二人府二人史
四人胥四人徒四十人

司士隸夏官以司馬論辨官材習察其人然後用之
各當也

諸子下大夫二人中士四人府二人史二人胥二人徒
二十人

司右上士二人下士四人府四人史四人胥八人徒八
十人

虎賁氏下大夫二人中士十有二人府二人史八人胥
八十人虎士八百人

不言徒而曰虎士蓋勇而有志行者

旅賁氏中士二人下士十有六人史二人徒八人

以旅名者言為王心膂也夾王車而趨其地尤近職
尤親故皆以命士為之且世職焉蓋必材武過人忠
義素厲而後得與此選後世逆亂多由禁旅使宿衛
皆世臣良士姦克豈能煽哉

節服氏下士八人徒四人

節服氏隸夏官以與諸僕聯事凡王有行無不從也

方相氏狂夫四人

方相猶言放想可畏怖之貌或曰以其相視而攻疫者非一方也故月令于大難曰旁磔

大僕下大夫二人小臣上士四人祭僕中士六人御僕下士十有二人府二人史四人胥二人徒二十人隸僕下士二人府一人史二人胥四人徒四十人弁師下士二人工四人史二人徒四人

弁者古冠之大稱

司甲下大夫二人中士八人府四人史八人胥八人徒八十人

司兵中士四人府二人史四人胥二人徒二十人

司戈盾下士二人府一人史二人徒四人

司弓矢下大夫二人中士八人府四人史八人胥八人徒八十人

繕人上士二人下士四人府一人史二人胥二人徒二十人

豪人中士四人府二人史四人胥二人徒二十人

箭幹謂之橐

戎右中大夫二人上士二人

右者參乘此充戎路之右田獵亦參乘焉戎右以中大夫齊右以下大夫道右以士者右取其武故戎右宜尊賓祭尚嚴故次之朝夕視朝武非所尚也右以戎兼田以祀兼賓而僕各異者右主捍衛其事可兼賓祀師田車行異節必各有專僕而後事可閑也

齊右下大夫二人

道右上士二人

李子華曰自我右而下無府史胥徒蓋臨事取之司
右官非特置也

大馭中大夫二人戎僕中大夫二人齊僕下大夫二人
道僕上士十有二人田僕上士十有二人馭夫中士二
十人下士四十人

王朝朝暮夕駕稅煩故道僕數最多田僕亦多者王

田道車旂車并從也據校人職馭夫當六十三人此疑脫○王志長曰戎車之馭與大馭同為中大夫者重戎也而不得同稱馭者重祀也

校人中大夫二人上士四人下士十有六人府四人史八人胥八人徒八十人

主馬者必校視之故以名官

趣馬下士皐一人徒四人

趣養馬者詩蹶維趣馬

巫馬下士二人醫四人府一人史二人賈二人徒二十人

巫馬知馬祖先牧馬社馬步之神者馬疾若有犯焉則知之

牧師下士四人胥四人徒四十人

地官牧人掌牧六牲惟馬之為牲者則牧焉餘皆牧師所掌

廋人下士閑二人史二人徒二十人

廋之言數

圉師乘一人徒二人圉人良馬匹一人駑馬麗一人
養馬者曰圉四馬為乘麗耦也

職方氏中大夫四人下大夫八人中士十有六人府四
人史十有六人胥十有六人徒百有六十人

主四方之貢

土方氏上士五人下士十人府二人史五人胥五人徒
五十人

懷方氏中士八人府四人史四人胥四人徒四十人
懷來也

合方氏中士八人府四人史四人胥四人徒四十人
訓方氏中士四人府四人史四人胥四人徒四十人
形方氏中士四人府四人史四人胥四人徒四十人
山師中士二人下士四人府二人史四人胥四人徒四十人
十人

王制云名山大澤不以封故天子立山川之師以遙

掌之使貢故與職方連類在此土方氏形方氏及山
師川師遼師所役皆司徒之事而以屬司馬者示有
不稟職方之度而侵敗王略者則九伐隨之也

川師中士二人下士四人府二人史四人胥四人徒四
十人

遼師中士四人下士八人府四人史八人胥八人徒八
十人

匡人中士四人史四人徒八人

擲人中士四人史四人徒八人

主擲序王志以語天下○李泰伯曰天下之情欲上達故訓方氏之職設人主之志欲下通故擲人之職設古者君民一體上下交孚而無壅遏之患如此

都司馬每都上士二人中士四人下士八人府二人史八人胥八人徒八十人

此王臣遙掌都事

家司馬各使其臣以正于公司馬

卿大夫之采地王不特置司馬各自使其家臣為之主軍賦以聽政于王之司馬公司馬即職文所謂國司馬也

大司馬之職掌建邦國之九灋以佐王平邦國制畿封國以正邦國設儀辨位以等邦國進賢興功以作邦國建牧立監以維邦國制軍詰禁以糾邦國施貢分職以任邦國簡稽鄉民以用邦國均守平則以安邦國比小事大以和邦國

獨九灋曰邦國者四官所建皆王邦之典而侯國兼用之九灋則專為侯國而設也制畿即下經九畿設儀即司儀所掌九儀進賢謂諸侯有德者加命為牧伯興功謂諸侯有功者加地進律牧八州之牧監卒正連帥以下相監臨者分職謂王巡狩征伐大小之國各有所承之職事春秋傳所謂各修舊職是也均守即司徒職所謂均地守掌固職所謂通守政也八則者王國所以治都鄙而侯國亦用焉守均而則平

則內和外固而國無不安矣五官之典皆備于九灋
而以屬司馬何也不能四征不庭則五官之典皆不
行于天下書曰其克詰爾戎兵以陟禹之迹江漢之
詩言召虎南征疆土是徹蓋率由周公之典灋也

以九伐之灋正邦國馮弱犯寡則眚之賊賢害民則伐
之暴內陵外則壇之野荒民散則削之負固不服則侵
之賊殺其親則正之放弑其君則殘之犯令陵政則杜
之外內亂鳥獸行則滅之

膏病之也如貶其爵命薄其恩禮披其附庸之類與
削異野荒民散不能自治其國邑故削之馮弱犯寡
必雄桀驕蹇之侯也病之使不能張則自戢矣壇謂
出其君置之空墀之地而更立賢者暴內即上賊賢
害民陵外即上馮弱犯寡兼是二者故奪其位伐者
聲罪致討侵者出其不意而扼其要塞詩所謂窶入
其阻也要荒之國負恃險阻非奪其所恃終不可服
故利用侵正執而治其罪也殘殺也犯令陵政則叛

上之迹已著杜之者使鄰國不得交通環而攻之也
殘止于誅其身滅則泯其宗社蓋舍亂人之類其或
先世有元德顯功則建置族姓可矣

正月之吉始和布政于邦國都鄙乃縣政象之灋于象
魏使萬民觀政象挾日而斂之

乃以九畿之籍施邦國之政職方千里曰國畿其外方
五百里曰侯畿又其外方五百里曰甸畿又其外方五
百里曰男畿又其外方五百里曰采畿又其外方五百

里曰衛畿又其外方五百里曰蠻畿又其外方五百里曰夷畿又其外方五百里曰鎮畿又其外方五百里曰蕃畿

籍其禮差之書也政職謂王巡狩征伐所承之職事自蠻服以上乃中國之九州夷服以下則大行人所謂蕃國世一見者○李耜卿曰此經即施貢分職以任邦國也下經即簡稽鄉民以用邦國也九瀆皆經理諸侯惟此二事乃王之所得于諸侯者故特詳之

凡令賦以地與民制之上地食者參之二其民可用者
家三人中地食者半其民可用者二家五人下地食者
參之一其民可用者家二人

此徵兵邦國之制○朱子曰賦兵也古者以田賦出兵
故謂兵為賦覆舉遂人職文者必知其可任之人數
然後可定徵兵之數也侯國制畿施職制地令賦司
徒職已具矣而復列于司馬者必司馬董正之然後
疆場不犯而政令無壅也

中春教振旅司馬以旗致民平列陳如戰之陳

兵者凶事不可空設故因蒐狩而習之凡師出曰治
兵入曰振旅春教振旅入而專于農事也秋教治兵
農事將畢可出而用之也

辨鼓鐸鐃鈇之用王執路鼓諸侯執賁鼓軍將執晉鼓
師帥執提旅帥執鼙卒長執鈇兩司馬執鐸公司馬執
鐃

路鼓賁鼓晉鼓鐸鐃鈇俱見鼓人職鼙見鍾師職提

謂馬上鼓有曲木提持立馬髦上者公司馬謂伍長鼓人職以賁鼓鼓軍事而王執路鼓軍將執晉鼓者教戰非即戎也諸侯執賁鼓者教以敵王所愾也以教坐作進退疾徐疏數之節

見下經大閱

遂以蒐田有司表貉誓民鼓遂圍禁火弊獻禽以祭社春田曰蒐甸祝掌四時之田表禡之祝號則表貉者甸祝也鄉師出田灋致衆庶而治其政令則誓民者

鄉師也故通謂之有司記曰司徒搢扑北面誓之禁者虞衡守禽之厲禁也弊止也春田主用火因焚萊除陳草皆殺而火止獻禽衆獻其所獲也貉書亦或為禡

中夏教茭舍如振旅之陳羣吏撰車徒讀書契辨號名之用

茭野宿而草舍也所戒在夜故辨號名使聞聲可別撰擇數之也

帥以門名縣鄙各以其名家以號名鄉以州名野以邑名百官各象其事以辨軍之夜事其他皆如振旅

帥謂軍將古者軍將為營治于國門如魯有東門襄仲宋有桐門右師皆上卿為軍將者縣鄙謂公邑大夫也家謂食采地者之臣也六鄉以州名六遂以邑名百官各象其事謂各書其職事于旗物而因以為號也夜事夜中守戰之事

遂以苗田如蒐之灋車弊獻禽以享禘

夏田為苗除禽獸之害稼者主用車皆殺而車止祔宗廟之夏祭也

中秋教治兵如振旅之陳辨旗物之用王載大常諸侯載旂軍吏載旗師都載旛鄉遂載物郊野載旐百官載旗各書其事與其號焉其他皆如振旅

師都孤卿也治兵所載旗物與司常所建互異何也旛與物無事時所建也故王朝孤卿大夫士建之熊虎之旗鳥隼之旛龜蛇之旐軍旅所建也故師都鄉

遂公邑之吏合卒伍簡車輦兵器建之及司馬治兵則師都鄉遂之吏有涖衆而不列陣者故所建異也師都之吏孤卿也軍吏亦孤卿也既有軍吏復有師都而所載各異何也孤卿之長師都而為軍吏者既載旗矣其王子弟及退居采地之孤卿則載旌也鄉遂之吏如州長縣正各帥其民而致者既列陳而作旗矣其鄉師遂師遂大夫黨正之屬掌政令刑禁而不帥車徒以驟趨于行陳者則載物也惟此經所謂

郊野即司常職所謂縣鄙而所建所載皆旒蓋公邑之吏帥民而致皆身列陳故旗物無異耳知然者縣師掌邦國都鄙稍甸郊里之地有會同軍旅田役則受灋于司馬使各帥其車徒而至鄉之帥而至者州長遂之帥而至者縣正則公邑之帥而至者必其吏也鄉遂之吏有不列陳者故所載異公邑之吏無不列陳者故所載同也然則鄉遂之吏列陳者安載載旗也知然者大閱羣吏以旗物各帥其民而致則鄉

遂之吏必仍載旗與公邑之吏載旒同矣其曰羣吏作旗羣吏弊旗即謂旗旒也惟或載旗或載旒故以旗包之也百官亦載旗何也從王而治軍旅故建軍旅之旗物以示威也芟舍治兵稱名各異何也芟舍鄉以州名野以邑名則野為遂明矣故縣鄙為公邑治兵鄉遂載物則郊野必公邑也其或曰縣鄙或曰郊野何也凡公邑皆謂之縣掌于縣師而其地在四鄙其曰郊野又以見遠郊及六遂之餘地亦間設公

邑也治兵列師都而不及大夫有采者于百官包之也茷舍則以家包孤卿大夫王子弟也列縣鄙于家之前者公邑也先公邑與家而後鄉遂者茷舍之禮辨號名以習夜事遠者難辨故先之近者易辨故後之也○經文鄉遂載物而謂列陳者仍載旗何也以覈其事實而知之也六卿涖其私邑曰師都監六鄉曰鄉大夫而治兵則為軍吏鄉大夫既為軍吏則載旗矣州長縣正以旗物各帥其民而致則必載平時

所建之旗矣其載物者獨鄉遂之吏不列陳者耳猶
司士所掌朝位三公北面孤東面卿大夫西面而周
制常以六卿兼公孤則卿之兼公者必北面矣兼孤
者必東面矣其西面者獨不兼公孤之卿耳鄉師于
四時之田所治者政令刑禁爭訟也遂師所掌者禁
令賞罰也遂大夫所掌無軍事黨正以灋治師田行
役之政事此四職者皆涖衆而不列陳則所載旗物
必別于列陳者可知矣惟鄉師職巡前後之屯而戮

其犯命者近于軍事然曰巡前後之屯則不與圍禁明矣蓋仍治其徒庶之政令耳

遂以獮田如蒐田之灋羅弊致禽以祀枋

獮殺也羅網也枋當為方秋田主祭四方報成萬物詩曰以社以方春夏曰獻禽秋冬曰致禽者物成而獲多故屬而聚之然後取其上殺以獻也

中冬教大閱前期羣吏戒衆庶修戰灋

春辨鼓鐸鐳鑄夏辨號名秋辨旗物至冬大閱簡軍

實而兼教上三者羣吏鄉師以下

虞人萊所田之野為表百步則一為三表又五十步為一表田之日司馬建旗于後表之中羣吏以旗物鼓鐸錫鏡各帥其民而致質明弊旗誅後至者

萊芟除其草萊令車徒可列陳也表所以識行列也四表相去僅三百五十步蓋表太遠則費時多田狩將不及事矣質正也

乃陳車徒如戰之陳皆坐羣吏聽誓于陳前斬牲以左

右徇陳曰不用命者斬之

皆坐當聽誓羣吏諸軍帥也車徒當陳于後表之北
記曰司徒搢扑北面誓之惟陳于後表之北故誓必
北面誓畢然後司馬南面令鼓而車徒以次而前也
中軍以輦令鼓鼓人皆三鼓司馬振鐸羣吏作旗車徒
皆作鼓行鳴鐸車徒皆行及表乃止三鼓攬鐸羣吏弊
旗車徒皆坐

中軍中軍之將也鼓人師帥旅帥也或曰鼓人職軍

動則鼓其衆田役亦如之中士六人各直一軍司馬
兩司馬也鳴鐃者伍長也攬鐸止行息氣也以春秋
傳考之君雖在軍中軍別有主將蒐狩列職于司馬
則中軍宜司馬也而太僕職凡軍旅田役贊王鼓豈
王先鼓之而後司馬以輦令與

又三鼓振鐸作旗車徒皆作鼓進鳴鐃車驟徒趨及表
乃止坐作如初乃鼓車馳徒走及表乃止鼓戒三闕車
三發徒三刺乃鼓退鳴鐃且卻及表乃止坐作如初

鼓戒若戒攻敵也鼓一闕車一發徒一刺三而止象
敵服鏡所以止鼓車徒皆行及表乃止第一表也車
驟徒趨及表乃止第二表也車馳徒走及表乃止第
三表也蓋羣吏致民于後表之中陳而皆坐尚未行
也故至第一表曰車徒皆行由第一表至第二表象
師之進故曰鼓進由第二表至第三表則極矣象伐
國之附其城對敵之薄其陳故車發徒刺而鼓退也
注疏並誤凡此坐作進退發刺之節四時所同而獨

于大閱言之者民事至冬而畢然後車徒可詳簡也
○注天子六軍三三而居一偏皆中軍自閱非也以
理推之司馬主中軍監臨羣吏其五軍之帥亦各閱
其屬每軍各立四表如中軍之式諸侯師都之吏則
各帥其屬分隸六軍中軍不徧閱也蓋古者兵車一
乘用士七十五人而大閱之表相去僅百步必單乘
如牆而進始能容其驟趨馳走而及表而止乃得截
然齊一雖各閱其屬分班鱗次猶恐難徧况以中軍

徧閱六軍乎知必分班以進者每軍萬人若車徒平
列遠者當在三數里之外其坐作進退發刺之節雖
本軍耳目不能盡及也○太閔時疑徧閱六軍之士
而車不盡閱魯頌公車千乘公徒三萬以濫考之三
萬人僅充三百餘乘之用天子萬乘若盡閱之則無地
以陳無人以供傳載魯人大蒐于紅自根牟至于商衛
革車千乘合魯東西封畧以為言則知非盡陳于所
蒐之地矣魯蒐盡陳革車以三桓變舊制分公室各

自為軍恐數有虛冒故備陳而數之先王之世不料民而知其多寡况車數乎蓋鄉遂之吏歲時校登車輦其灋已悉矣司徒職惟田竭作蓋更番而教之雖大閱豈能盡試鄉遂都鄙正羨之卒謂之大者惟此備六軍之數若三時之田雖六軍不必備也

遂以狩田以旌為左右和之門羣吏各帥其車徒以敘和出左右陳車徒有司平之旗居卒間以分地前後有屯百步有司巡其前後險野人為主易野車為主

冬田為狩言守取之無所擇也和之義當為面為角
國策見棺之前和凡物皆得稱注軍門曰和非也以
敘和出以次第出左右兩和門也左右陳車徒以下
皆列陳之事蓋車徒既出軍門而趨圍禁則左右陳
之有司乎其行列每百人為卒則植旗其間以分所
占之地必廣狹如一古者天子不合圍故六軍分為
二陣而驅逆之車當旁禁地之前後各有屯百步以
待田畢屯車徒而後各獻其所獲也有司謂鄉師也

其職曰巡前後之屯而戮其犯命者險野人為主謂列陣用徒而以車承其闕也易野車為主謂列陣用車而以徒承其闕也

既陳乃設驅逆之車有司表貉于陳前

驅驅出禽獸使趨田所逆逆要令不得出圍也設此車者田僕

中軍以鼙令鼓鼓人皆三鼓羣司馬振鐸車徒皆作遂鼓行徒銜枚而進大獸公之小獸私之獲者取左耳

羣司馬謂兩司馬也枚如箸銜之有繯結項中軍灋
以此止語獲禽者取左耳以計功

及所弊鼓皆駮車徒皆譟

及所弊至田所當止之處也鼓譟象克敵而喜疾擊
鼓曰駮譟謹也

徒乃弊致禽饁獸于郊入獻禽以享烝

徒乃弊徒止也致禽饁獸于郊聚所獲禽因以祭四
方之神于郊月令季秋天子既田命主祠祭禽于四

方是也入又以禽祭宗廟

及師大合軍以行禁令以救無辜伐有罪

師謂司馬奉王命以征伐也行禁令因伐有罪而明
王禁于羣侯也

若大師則掌其戒令涖大卜帥執事涖釁主及軍器
大師王出征伐也主謂遷廟主及社主軍器鼓鐸之
屬

及致建大常比軍衆誅後至者

稍人帥衆而致于大司馬王親征則邦國亦以師從
凡帥衆而至者大司馬皆以致于王故建大常

及戰巡陳眡事而賞罰若師有功則左執律右秉鉞以
先愷樂獻于社若師不功則厭而奉主車

律軍灋之書也易曰師出以律兵事以嚴終故既勝
猶執律秉鉞也先猶道也兵樂曰愷厭謂厭冠喪服
也主車載遷廟主與社主者

王弔勞士庶子則相

師敗王親弔士庶子之死者勞其傷者

大役與慮事屬其植受其要以待攷而賞誅

大役築城邑也慮事者封人而司馬亦與焉植楨幹之屬所以分地而築也屬謂賦丈尺與所用人數要簿書也

大會同則帥士庶子而掌其政令

若大射則合諸侯之六耦

疏謂賓射亦六耦但不用諸侯恐未安經于諸侯曰

大賓客因其朝覲會同而與之射故謂之賓射所以
別于王臣之燕射也此經獨舉大射者明諸侯公孤
卿大夫士咸與而司馬所合獨諸侯之六耦也若賓
射惟諸侯與則司馬合耦不必言矣射人職王以六
耦射三侯曰合諸侯之六耦則公孤卿大夫士耦皆
以六可知矣

大祭祀饗食羞牲魚授其祭

牲魚牲及魚也祭謂尸賓食祭

大喪平士大夫喪祭奉詔馬牲

平者正其職與位王喪以馬祭蓋遺奠也奉詔者奉其牲以告于神

小司馬之職掌

以下文闕

凡小祭祀會同饗射師田喪紀掌其事如大司馬之灋

軍司馬闕

輿司馬闕

行司馬闕

司勲掌六鄉賞地之灋以等其功

賞田在遠郊屬六鄉等猶差也

王功曰勲國功曰功民功曰庸事功曰勞治功曰力戰
功曰多

王功輔成王業國功保國全家民功灋施于民事功
盡瘁勤事治功制灋成治戰功剋敵制勝

凡有功者銘書于王之大常祭于大烝司勲詔之

報享之禮冬祭為盛故有功者與焉詔謂詔司常書之及烝則使祝告于廟

大功司勲藏其貳

貳猶副也覆出司勲明銘書者司常也如曰大功藏其貳則似銘書以歸于司常而自藏其貳矣○李耜卿曰既曰凡有功又曰大功則統而觀之六功有大小析而言之每功有輕重也

掌賞地之政令凡賞無常輕重眡功

凡頒賞地參之一食惟加田無國正

參之一食歸其二于公也春秋傳卑而貢重者甸服也蓋大府職家稍之賦以待匪頒邦縣之賦以待幣帛邦都之賦以待祭祀委人職以稍聚待賓客遺人職縣都之委積以待凶荒非歸其二于公用弗給也故畿內食采者所受之地與外諸侯同而服物官吏則每減焉以所食者參之一也加田加賜之田國正謂稅也

馬質掌質馬馬量三物一曰戎馬二曰田馬三曰駕馬
皆有物賈

此三馬皆買以給官府之用者其用各有等其材各
有宜故以三物量之物異則賈從之故謂之質

綱惡馬

綱謂以縻索繫維而調習之

凡受馬于有司者書其齒毛與其賈馬死則旬之內更
旬之外入馬耳以其物更其外否

更償也旬之內死如其齒毛及買而償其馬旬之外則以其物償物皮筋骨也不及償則附益之過此則歸死馬于官而已入馬耳防抵偽也

馬及行則以任齊其行若有馬訟則聽之

及行始駕也量其力所能任及行道遠近以類相從而閑習之所謂齊其行也馬訟謂買賣之言相負者禁原蠶者

原再也天文辰為馬蠶書蠶為龍精月值大火則浴

其種是蠶與馬同氣物莫能兩大故禁再蠶為傷馬
與○李耜卿曰惟牧馬之地及牧者之家不得再蠶
也

量人掌建國之灋以分國為九州營國城郭營后宮量
市朝道巷門渠造都邑亦如之

以分國為九州者周更定九州析冀以為幽并并徐
于青而豫州之境西至華山則虞夏以來建國必有
舊屬于此而新屬於彼者故曰分也營國以下專言

王國舊說兼侯國非也凡建侯國大司徒制其域封人封其四疆而已城郭後宮市朝道巷門渠之細非王官所能及也其國自有匠人營之封人中士四人下士八人以有出疆之職也量人下士二人兼供喪祭軍旅之役豈能徧營六服之國邑哉詩載召伯營申及于寢廟乃宣王特厚元舅非封國常制營軍之壘舍量其市朝州涂軍社之所里

軍壁曰壘軍有朝者或王親在行或主兵者三公及

諸侯入為卿士者軍有州者二千五百人為師其數
如一州之衆軍有涂者部曲區分各有道以相湊也
軍社社主在軍者里所以定分界也量市朝州涂軍
社之所屆也詩瞻卬昊天云如何里亦當訓界○國
語季氏有內外朝戴記大夫有私朝疑皆僭禮記者
習而不察

邦國之地與天下之涂數皆書而藏之

書地謂方園山川之廣狹書涂謂支湊之遠近

凡祭祀饗賓制其從獻脯燔之數量

祭禮獻酒以燔從饗賓獻有脯從故總言之數多少也量長短也

掌喪祭奠竈之俎實

竈之俎實謂所包遣奠

凡宰祭與鬱人受俎歷而皆飲之

冢宰容攝祭俎酒器或曰讀如嘏尸之嘏歷與瀝通曾子問宗子有故在他國攝主不假不敢受福也宰

攝祭故不敢飲福而神惠不可虛故量人鬱人飲之分絕遠則無嫌也周書顧命大保飲福嗣君在而亞獻故不嫌

小子掌祭祀羞羊肆羊殽肉豆

肆體薦全烝也殽體解節折也豆肉者切肉也

而掌珥于社稷祈于五祀

凡沈辜侯禳飾其牲

沈謂祭川爾雅曰祭川曰浮沉辜磔牲以祭即宗伯

職所謂鬻辜也

釁邦器及軍器凡師田斬牲以左右徇陳

羊性狠故斬以徇以警不用命者

祭祀贊羞受徹焉

若司馬羞牲魚之等則贊之及徹則受之

羊人掌羊牲凡祭祀飾羔祭祀割羊牲登其首

羔稚羊飾之以續登升也升首于室報陽也未祭之前則飾之祭之時則割之于羔曰飾于羊牲曰割互

見也

凡祈珥其羊牲賓客共其灋羊

灋羊殄饗積膳灋當共者

凡沈辜侯禳釁積共其羊牲

積故書為眡讀為漬謂釁國器漬軍器也或曰積謂積柴之祀

若牧人無牲則受布于司馬使其賈買牲而共之

牧人無牲時或耗敗也

司燿掌行火之政令四時變國火以救時疾

春取榆柳之火夏取棗杏之火季夏取桑柘之火秋取柞櫟之火冬取槐檀之火

季春出火民咸從之季秋內火民亦如之

戴記季春出火為田也左傳火未出而作火以鑄刑器先儒据此遂謂季春出火以陶冶季秋內之其實不然夏月土潤溽暑以燒石則粉解以陶器則燥裂伐薪為炭陶成百物皆宜于冬春且冰以火出而畢

賦所以解鬱蒸救時疾也而又布火以助盛陽于天
時人事俱不相應蓋季春始燠野則出火于窯家則
出火于室而不用季秋始肅然後內而用之耳雍并
幽冀之地民俗臥必以火始季秋春盡乃止此經曰
民咸從之民亦如之豈謂此與

時則施火令

謂熱菜之時

凡祭祀則祭燿

祭燿祭先代出火者禮如祭饗

凡國失火野焚萊則有刑罰焉

野焚萊有罰者春田用火主除陳生新二月後擅放火則有罰也

掌固掌修城郭溝池樹渠之固頒其士庶子及其衆庶之守

士庶子家居或宿衛王宮而番代者則與于守政○
黃文叔曰霍光謂函谷京師之固武庫精兵所聚故

以丞相弟為闕都尉子為武庫令猶識古以士庶子宿衛王宮及守固之意

設其飾器分其財用均其稍食任其萬民用其材器飾器謂所樹矛戟干櫓皆有幡飾也士庶子衆庶守者別給財用稍食所以厚下而勸忠也財用曰分視地守之劇易而有多寡也稍食曰均計功力之多少以為等差也民之材器謂用以塹築及為藩落者器民所自具材就其地取之然必以當邦賦

凡守者受灋焉以通守政有移甲與其役財用唯是得通與國有司帥之以贊其不足者

通守政即均人所謂均地守使易劇相通而得其平此平時之守灋也至移甲役財用則其地猝有警掌固必達于司馬使國中有司持符節以徵之他境故與帥而贊之舊說國有司即掌固或謂司甲役財用者皆非也

晝三巡之夜亦如之夜三蟄以號戒

此立灋使有地治者巡之非掌固自巡也

若造都邑則治其固與其守灋凡國都之竟有溝樹之固郊亦如之

竟界也王國及三等都邑之界也郊謂近郊遠郊以近國故阻固之設尤數焉

民皆有職焉若有山川則因之

民皆有職勞逸必均也

司險掌九州之圖以周知其山林川澤之阻而達其道

路

達道路者山林之阻則開鑿之川澤之阻則橋梁之
設國之五溝五涂而樹之林以為阻固皆有守禁而達
其道路

五溝五涂遂人所治也而于司險復曰設者凡井田
溝涂之設一以盡地利一以為阻固故必使遂人與
司險共議其形勢之錯連水流之輸委道路之支湊
猶邦之六典大宰建之而大史亦與共建也不言都

邑者曰國之五溝五涂則通乎畿內矣于掌固言都邑者守瀾之詳皆具于掌固也不言侯國者溝涂之細非王官所能遙制也其國自有司險掌固設而修之○易曰王公設險以守其國山川丘陵之險天作地成非人力所能設也周公設司險掌固之官所恃惟溝樹耳每見山澤豪民居阻溝樹盜賊即不敢犯井田雖難驟復苟城邑要塞多設溝樹則居者有以自固而戎馬失其利此為民長慮者所宜先務也

國有故則藩塞阻路而止行者以其屬守之唯有節者達之

有故喪災及兵也掌固所守城郭溝池樹渠之固所在皆有之故必與士庶子衆庶同其力司險所守要害之道則以其屬足矣

掌疆

闕

候人各掌其方之道治與其禁令以設候人

道治道路之治也其官上士六人下士十有二人必

每方各以上士一人下士二人掌之餘六人則掌達于朝或軍行則從也所設候人即徒百有二十人若有方治則帥而致于朝及歸送之于竟

方治遠方有事來王國求治者

環人掌致師察軍慝環四方之故巡邦國搏諜賊訟敵國揚軍旅降圍邑

致師謂將戰使勇士犯敵以致其必戰之志環四方之故謂環伺四面或有掩襲衝突之變故巡邦國謂

從王敵愾之邦國也察軍慝察己國之姦人為敵間者搏謀賊執敵人為謀者訟敵國謂往而喻之以理揚軍旅謂揚己國之軍威降圍邑謂服者則受之諸所列皆臨敵時事前五者先為不可勝後三者蓋欲不戰而屈人之師

挈壺氏掌挈壺以令軍井挈轡以令舍挈畚以令糧軍中穿井成則挈壺縣其上將舍則挈轡縣其處頒糧則挈畚縣其處令衆知之壺所以盛飲畚所以盛

糧饔解則不行故以為表

凡軍事縣壺以序聚櫟凡喪縣壺以代哭者皆以水火守之分以日夜

縣壺為漏以次集行夜者更易擊櫟為守備代亦更也喪禮未大斂官代哭以水守壺者為沃漏也以火守壺者夜則火視刻數也分以日夜者異晝夜漏也漏之箭晝夜共百刻冬夏之間有長短焉

及冬則以火爨鼎水而沸之而沃之

冬水凍漏不下故以火炊水沸以沃之謂沃漏也

射人掌國之三公孤卿大夫之位三公北面孤東面卿大夫西面其摯三公執璧孤執皮帛卿執羔大夫雁

位將射始入見君之位也三公北面正答君也孤無職故居西方賓位卿大夫皆有職故在東近君居主位也六摯已見宗伯職復見此者明因射而朝則各有摯也以射而朝則有摯知日朝而聽事無摯也不言諸侯之摯者來朝已有幣獻故射無摯

諸侯在朝則皆北面詔相其禮

謂諸侯朝覲未歸而王與射于朝也大射在學此在
路門之外朝舊說以為賓射但謂賓射兼諸侯與王
臣恐未安此經曰掌國之三公孤卿大夫之位似謂
王與朝臣燕射也記曰朝不坐燕不與故無士位復
別言諸侯在朝謂王與諸侯賓射也若賓射兼諸侯
與王臣則當曰掌賓射之位三公諸侯皆北面孤卿
東面大夫西面矣惟大射三公諸侯孤卿大夫士及

諸侯所貢士皆與故司裘共侯軍僕共乏皆獨舉大射以其禮為最盛也曰諸侯在朝以別于大射之在郊也曰在朝皆北面以別于大詢之東面又以見大射與王臣列序不皆北面也

若有國事則掌其戒令詔相其事掌其治達

國事如鄉大夫以鄉射之禮詢衆庶諸子春秋合國子之倅于射宮或王以喪疾不得主祭而使諸臣會射以選賢也治者治其儀灋達謂以聞于王也惟王

不親故有治達

以射灋治射儀王以六耦射三侯三獲三容樂以騶虞
九節五正諸侯以四耦射二侯二獲二容樂以貍首七
節三正孤卿大夫以三耦射一侯一獲一容樂以采蘋
五節二正士以三耦射豳侯一獲一容樂以采芣五節
二正

治射儀謂肄之也每侯持旌告獲者一人故三侯則
三獲容即乏也據告獲者容身于中則曰容據矢至

此乏極不過則曰乏三侯虎熊豹也二侯熊豹也一侯麋也豸胡犬也正所射也詩曰終日射侯不出正兮畫五正之侯中朱次白次蒼次黃玄居外三正損玄黃二正去白蒼而畫以朱綠九節者先歌五節七節者先歌三節五節者先歌一節後四節以為發矢之度舊說燕射三耦非也王以六耦射三侯則凡王射皆六耦可知矣不言三公之耦與侯從諸侯可知也王射三侯者王一侯外諸侯一侯內公孤卿大夫

一侯也諸侯射二侯者君一侯卿大夫士一侯也張布謂之侯侯中謂之鹄鹄中謂之正正方二尺正中謂之絜方六寸或曰謂之質方四寸

若王大射則以貍步張三侯

貍步謂一舉足乃半步也上經既曰王以六耦射三侯而此復獨舉大射何也明上經著王三侯諸侯二侯卿大夫士一侯之別然惟王之大射三公諸侯孤卿大夫士咸與乃張三侯若王與諸侯賓射則惟張

虎侯熊侯與公孤卿大夫燕射則惟張虎侯豹侯也
獨舉張三侯而不及六耦則賓射燕射皆六耦可知
也特言貍步則賓射燕射用全步可知也惟大射張
侯用貍步者選賢以執祀事專取其容體比于禮其
節比于樂而不及遠為賢也

王射則令去侯立于後以矢行告卒令取矢

鄉射禮司馬命獲者執旌以負侯蓋未射時獲者負
侯而立故射則令去侯而居于之以避矢也大射禮

正立于公後以矢行告于公下曰留上曰揚左右曰
方卒射畢也負侯者服不氏取矢者射烏氏

祭侯則為位

祭侯獻服不為位為服不受獻之位也大射禮服不
侯西北三步北面拜受爵

與大史數射中

射中射者中侯之算也大史凡射事飾中舍算

佐司馬治射正

射正射之儀灋也

祭祀則贊射牲相孤卿大夫之灋儀

國語曰郊禘之事天子必自射其牲上古六畜未擾
必射以祭故後世親射其牲以存古者始佃之禮君
牽牲卿大夫序從故相其灋儀

會同朝覲作大夫介凡有爵者

朝覲會同大宗伯為上相故所作惟介凡有爵者謂
命士以上也

大師令有爵者乘王之倅車

王乘戎路副車十二乘皆行祥車曠左故王之所乘
不敢虛其位

有大賓客則作卿大夫從

上所作惟羣介此徧作卿大夫從王者

戒大史及大夫介

大史協禮事上介佐宗伯故并戒之

大喪與僕人遷尸作卿大夫掌事比其廬不敬者苛罰

之

僕人大僕也僕人與射人俱掌王之朝位故以遷尸
苛罰見春官世婦職射人作擯介習察其德器與儀
容喪事作卿大夫知其材力所稱也

服不氏掌養猛獸而教擾之

凡祭祀共猛獸

共其中膳羞者如狼獬膏熊蹯之類

賓客之事則抗皮射則贊張侯以旌居乏而待獲

抗舉也朝聘布皮帛主舉而藏之待獲謂待射者中舉旌以唱獲

射鳥氏掌射鳥祭祀以弓矢毆鳥鳶凡賓客會同軍旅亦如之

射鳥謂中膳羞者鳥鳶喜鈔盜便汚人

射則取矢矢在侯高則以并夾取之

并夾鍼箭具矢著侯之高處手所不及則以并夾取之

羅氏掌羅烏鳥蜡則作羅襦

烏卑居鵲之屬蜡蜡祭也作用也襦讀為縠羅之細
密者○薛氏日記曰羅氏致鹿與女以戒諸侯曰好
田好女者亡其國非真以鹿致也蓋作羅以示之非
真以女致也作襦以示之

中春羅春鳥獻鳩以養國老行羽物

中春鷹化為鳩故以養老助生氣也行謂頒賜○陳
及之曰天子所養之老三獻鳩以養者國老也司徒

以保息養之者庶民之老也司門以財養之者死政者之老也若外饗酒正槁人所謂耆老則總三者而言之

掌畜掌養鳥而阜蕃教擾之

祭祀共卵鳥歲時貢鳥物共膳獻之鳥

卵鳥謂其卵可薦者鵝鶩之屬也鳥物其羽毛可備服飾器用者膳王后世子之膳羞也獻賓客之禽獻也于鳥言共膳獻則六畜不必言矣故牛人雞人羊

人犬人職皆不列王后世子之膳羞

司士掌羣臣之版以治其政令歲登下其損益之數辨其年歲與其貴賤周知邦國都家縣鄙之數卿大夫士庶子之數以詔王治

版名籍也損益謂用功過黜陟者縣鄙鄉遂公邑之屬曰周知其數而不曰掌其版者在朝之羣臣則可以詳其名籍若邦國之卿大夫士都家縣鄙之小吏則廢置黜陟各由其長其數可周知而名籍不能徧

記也以詔王治者詔王以涖官之法即下以德詔爵等

以德詔爵以功詔祿以能詔事以久奠食

能者先試以事久而不廢乃定其稍食其功既著然後正授以爵祿教士以司徒而爵與事皆詔于司士者司馬辨論官材然後文武各當其任也爵祿事皆言詔食獨不言詔者爵祿事必待王命食則因其職事而定之耳○易彥祥曰以能詔事以久奠食謂

府史胥徒

惟賜無常

因其功能不若祿食有貴賤多少常格

正朝儀之位辨其貴賤之等王南鄉三公北面東上孤
東面北上卿大夫西面北上王族故士虎士在路門之
右南面東上大僕大右大僕從者在路門之左南面西
上司士擯

此王日視朝于路門外之位王族故士故為士晚留

宿衛者未嘗仕雖同族不得在王宮大右司右也大僕從者小臣祭僕御僕隸僕也擯謂詔王出揖公卿大夫以下朝者

孤卿特揖大夫以其等旅揖士旁三揖王還揖門左揖門右大僕前王入內朝皆退

特揖每人而揖之也不言三公不必言也大夫爵同者衆揖之羣士東面故旁三揖王還還入路門也門左揖大僕大右羣僕也門右揖王族故士虎士也此

數官之位逼介路門左右王始出未揖公卿不得先揖卑者故還入門而後揖之大僕前內朝其所掌也朝者皆退反其官府治處也○易彥祥曰在王門左右者其位皆南向而在王後故還而揖之

掌國中之士治凡其戒令

曰掌國中之士治者不及鄉遂都鄙也于羣臣之版則通掌之于邦國都家縣鄙之數卿大夫士庶子之數則周知之而士治則獨掌國中也注疏兼卿大夫

未安羣吏之治蓋冢宰詔而誅賞之

掌擯士者膳其摯

擯士者告見初為士者于王膳其摯入于膳人也

凡祭祀掌士之戒令詔相具灋事

祀五帝及大神示享先王百官之戒誓具修皆冢宰掌之凡祭祀之戒具小宰掌之而司士又掌士之戒令者士衆且卑冢宰小宰不能徧戒也

及賜爵呼昭穆而進之

賜爵謂祭末旅酬無算爵也祭統曰凡賜爵昭與昭齒穆與穆齒凡羣有司皆以齒

帥其屬而割牲羞俎豆

內外饗所掌割烹解全牲而烹之也既熟司士割制其體而後諸子載之于俎

凡會同作士從賓客亦如之作士適四方使為介大喪作士掌事

適四方使者獨承使事也春秋傳天王使石尚來歸

脈天子之士也為介介大夫也會同朝覲大賓客大喪作卿大夫者皆射人而士則司士作之者惟司士能周知羣士材性之所宜也于祭祀曰掌戒令于喪曰掌事而會同賓客第作以從者不與執事使之觀禮而已

作六軍之士執披凡士之有守者令哭無去守

披所以持棺防欹側也以絳帛為之其一端結于柳纁戴之中而出其一端于外使人引之曰六軍之士

者皆比長以上有爵者天子喪用千人而于六軍擇之則必作其有爵者可知矣

國有故則致士而頒其守

國有大事王宮之士庶子則宮伯作之國子則諸子帥而致之太子羣士則司士致而頒其守鄉邑之士庶子則掌固頒其守古者國之守政士無不與焉以其識義理而能為民之倡且未仕而已教以與國同憂也

凡邦國三歲則稽士任而進退其爵祿

侯國之卿命于天子故司士稽其任而進退之其曰士任者侯國卿大夫入天子之國曰某士春秋傳曰晉士起歸時事于宰旅是也

諸子掌國子之倅掌其戒令與其教治辨其等正其位公卿大夫士之適子為國子則倅者其衆子也故以諸子名官而燕義又曰庶子也等謂才藝高下正其位謂在朝則以父蔭高下為列在學則以齒也

國有大事則帥國子而致于太子惟所用之

李耜卿曰凡大兵大喪當警備非常及王出疆巡守征伐皆當令宿故帥而致于太子惟所用之此所謂守曰監國也

若有兵甲之事則授之車甲合其卒伍置其有司以軍灋治之司馬弗正

軍灋百人為卒五人為伍國子屬太子司馬雖有軍事不賦之○李耜卿曰此所謂從曰撫軍也

凡國正弗及

上司馬弗正謂軍賦此謂凡鄉遂之中甸徒力征皆不及也

大祭祀正六牲之體

正謂載之于俎

凡樂事正舞位授舞器

位謂其綴兆行列

大喪正羣子之服位會同賓客作羣子從

服者公卿大夫之子為王服斬衰曰羣子兼國子與其倅也知然者師氏保氏大司樂之屬別無正國子服位作國子以從之文也

凡國之政事國子存游倅使之修德學道春合諸學秋合諸射以攷其藝而進退之

凡國之政事謂力役社田追胥之類國子當為諸子文誤也曰游倅者以其無職事而優游于庠序以學道藝也學大學也射射宮凡國之政事存游倅者國

子則司馬弗正國政不及其倅則國政不及而甲兵之事猶聽于司馬掌固頒士庶子之職與其守是也進退之者進則與國子選俊同升于太學以待辨材授官退則仍歸于鄉學或隸于宮正宮伯以宿衛也知國子之倅平時不肄業于大學者諸子職曰春合諸學秋合諸射以考其藝而進退之大胥職曰掌學士之版以待致諸子春入學舍菜合舞秋頒學合聲則平時修德學道于家塾鄉學可知矣○周官掌士

庶子之治教者不一天官則宮正宮伯也地官則師氏保氏也春官則大司樂樂師大胥小胥也夏官則諸子也掌固也其職之分事之聯各有義焉宮正宮伯所掌獨宿衛之士庶子也師氏保氏所掌王同姓及公卿之適子也其職曰以教國子弟則王之同姓也曰凡國之貴游子弟學焉則不能徧于大夫士之子明矣大司樂樂師大胥小胥則國子國子之倅及國之選俊皆隸焉其曰國子者公卿大夫元士之適

子也其曰學士者兼國之選俊也其曰以待致諸子者致國子之學于師氏保氏者及其倅也諸子所掌獨國子之倅者其適子或學于師氏保氏或入于成均也諸子掌國子之倅而國有大事則帥國子而致于太子有甲兵之事則治以軍灋者師氏保氏大司樂樂師所掌者國子之教也使帥而共祀事治甲兵則褻矣故別以屬諸子也師氏保氏會同喪紀王舉必從而正國子服位作國子以從別屬諸子者其職

主于詔王美諫王惡則無暇及乎其餘矣

司右掌羣右之政令

李子華曰戎右齊右道右天子乘車之右皆中大夫
下大夫非司右之屬也司右所掌乃兵車之右故凡
國中有勇力者屬焉有事則于是乎取之

凡軍旅會同合其車之卒伍而比其乘屬其右

屬合也繫也凡兵車皆有右而乘者有貴賤所當有
劇易則右之材力亦宜有差等故必比次其乘以屬

其右而後用各稱其材也

凡國之勇力之士能用五兵者屬焉掌其政令

司馬灋曰弓矢圍攻矛守戈戰助凡五兵長以衛短
短以救長或曰車上之五兵二矛無弓矢步卒之五
兵有弓矢而無夷矛

虎賁氏掌先後王而趨以卒伍

虎士八百人具先後王而趨也以兵灋部署百人為
卒五人為伍各有局分而不亂也

軍旅會同亦如之舍則守王閑王在國則守王宮

舍王出所止宿處閑栳互也

國有大故則守王門大喪亦如之及葬從遣車而哭
大故謂兵災

適四方使則從士大夫若道路不通有徵事則奉書以
使于四方

道路不通謂逢兵寇若水潦也徵事徵師役也

旅賁氏掌執戈盾夾王車而趨左八人右八人車止則

持輪

夾王車者下士十有六人中士帥之

凡祭祀會同賓客則服而趨

會同賓客王齊服服袞冕則士亦齊服服玄端或曰
謂服其常服也

喪紀則衰葛執戈盾軍旅則介而趨

葛葛經也武士尚輕

節服氏掌祭祀朝覲袞冕六人維王之大常

維持也掌祭祀朝覲衮冕句六人維王之大常句蓋掌祭祀朝覲之衮冕而以六人持王之大常也

諸侯則四人其服亦如之

其服亦如之疑注語而誤為經文也蓋注家誤以衮冕六人為句而疑諸侯四人何以不言所服妄綴此語而不知義不可通衮冕惟上公加賜乃有之諸侯不得服也況以諸侯之下士服之乎古者軍旅同服或以防姦宄祭祀朝覲無故而亂瀆服之常義無所

取也

郊祀裘冕二人執戈送逆尸從車

裘大裘也郊祀以稷配故有尸春秋傳曰晉祀夏郊董伯為尸從車從尸車也王祭祀賓客之服大僕正之燕服小臣正之復設節服氏蓋朝夕王所而時視衣服之節適者也列職無此文者義已具于其官也獨列祭祀朝覲之維大常郊祀之從尸車者見從王而供別役惟此三事其餘會同師田視朝巡狩燕饗

弔臨視學養老諸禮事及燕出入皆不供他事而惟節服是司也

方相氏掌蒙熊皮黃金四目玄衣朱裳執戈揚盾帥百隸而時難以索室毆疫

時難者以時而難月令季春中秋季冬皆難是也索室毆疫者索于室中而毆其疫厲之鬼也

大喪先匱及墓入壙以戈擊四隅毆方良

方良即罔兩木石之怪也

周官集注卷七